



Sujet 2005: „Hesch au e Wand duss?“

In Oberwil sitzt me in sim Garte, mit gueter Luune,
duet im Summer sini Hut in dr Sunne bruune.
Doch wenn me so duet dusse umme sitze,
kunnt me nach eme Wiehli fescht ins schwitze.

Das zwar nid will d'Sunnestrahle uff eim dien abekeye,
nei, sondern will me sich gegesitig muess aschreye.
He jo, vor lutter Lärm verstoht me kum sis eigene Wort,
an dr Stroos z'wohne isch nit eifach, s'isch halt e lutte Ort.

Im letschte Joor het öbber e gueti Idee, es isch bekannt,
me baut doch eifach um si Garte e grossi Wand.
Do ghörsch fascht nüt me vo däm Verkehr und Lärm,
sogar die läschtige Lüt uff dr Stroos blibe dir färn.

Es isch nit lang gange, s'kunnt eim fascht vor wie e Süüch,
do het ein nachem andere e sone Wand antstatt nur Strüüch.
So het fascht jede in Oberwil sini Rueh vo dr Strooss,
de kasch di wider unterhalte in dim Garte, s'isch famos.

Bi däm Trend mache mir Fratze au mit, mit vollem Gnuss.
Mir hän e sone Wand, und du? „Hesch au eini duss?“

E schöni Fasnacht!

www.escargots-fratze.ch